

〔續日本紀桓武三十八〕延曆四年十月壬申，遠江下總常陸能登等國，去七八月大風，五穀損傷，百姓飢饉，並遣使賑給之。

〔日本後紀嵯峨二十一〕弘仁二年九月癸卯，大風破京中廬舍，甲辰，被風損者，給米有差。

〔日本紀略嵯峨〕弘仁七年八月己酉，夜大風，倒羅城門，京中諸國亦多被害，賜諸衛見侍者祿。

〔類聚國史神祇三〕弘仁七年九月戊辰，奉幣於伊勢大神宮，去八月十六日夜，爲停大風，所禱也。

〔續日本後紀仁明三〕承和元年八月己亥，暴風大雨相并，折拔樹木，壞民廬舍，由是走幣畿內名神，祈止風雨。

庚子，夜裏風雨猶切，遂旦不罷，城中人家往往倒壞。

〔續日本後紀仁明十七〕承和十四年六月丙申，大風發屋折木，雨亦降，入夜彌猛，丁酉，遣使奉幣於松尾大神，祈之。

傷

〔文德實錄一〕天安二年六月己酉，大宰府言，去五月一日，大風暴雨，官舍悉破，青苗朽失，九國二島盡被

傷

〔三代實錄清和十六〕貞觀十一年七月十四日庚午，風雨，是日肥後國大風雨，飛瓦拔樹，官舍民居顛倒者多，

人畜壓死不可勝計，潮水漲溢，漂沒六郡，水退之後，搜撫官物十失五六焉，自海至山，其間田園數百里，

陷而爲海，十月廿三日丁未，是日勅曰，妖不自作，其來有由，靈譴不虛，必應批政，如聞肥後國迅雨成

暴，坎德爲災，田園以之淹傷，里落由其蕩盡，夫一物失所，思切納隍，千里分憂，寄飯牧宰，疑是皇猷，猶鬱

吏化乖宜，方失毗心，致此變異，歟！昔周郊偃苗，感罪已而弭患，漢朝壞室，據修德以攘災，前事不忘，取鑒

在此，宜施以德政，救彼凋殘，令太宰府，其被災害尤甚者，以遠年稻穀四千斛，周給之，勉加存恤，勿令失

職，又壞垣毀屋之下，所有殘屍亂骸，早加收埋，不令曝露。

〔三代實錄清和十六〕貞觀十六年八月廿四日庚辰，大風雨，折樹發屋，紫宸殿前櫻，東宮紅梅，侍從局大梨

等樹木，有名皆吹倒，內外官舍，人民居廬，罕有全者。